


元刊前十册



隋本紀上第十一

北史十一

隋高祖文皇帝姓楊氏諱堅小名那羅延本弘農華陰人
漢太尉震之十四世孫也震八世孫燕北平太守鉉鉉子
元壽魏初為武川鎮司馬因家于神武樹頽焉元壽生大
原太守惠報報生平原太守烈烈生寧遠將軍禎禎生皇
考忠初禎屬魏末喪亂避地中山結義徙以討鮮于修禮
遂死之周保定中皇考著勲追贈柱國大將軍少保與城
郡公皇考美鬚鬚身長七尺八寸狀貌瓌偉武藝絕倫識
量深重有將率之略年十八客游泰山會梁兵陷郡國沒
江南及北海王元顥入洛乃與俱歸顥敗尔朱度律召為

帳下統軍後從獨孤信屢有軍功又與信從魏孝武西遷
 東魏荊州刺史辛纂據穰城皇考從信討之與都督康洛
 兒元長生乘城而入亦弓大呼斬纂以徇城中懾服居半
 歲以東魏之逼與信俱歸周文帝乃居帳下嘗從周文狩
 於龍門皇考獨當一猛獸左扶其腰右按其舌周文壯之
 北臺謂猛獸為揜于因以字之從禽實泰破沙苑陣封襄
 武縣公河橋之役皇考與壯士五人力戰守橋敵人不敢
 進又與李遠破黑水稽胡并與怡峯解玉壁圍以功拜雲
 洛二州刺史芒山之戰先登陷陣除大都督及侯景度江
 梁氏喪敗周文將經略乃授皇考都督荆等十五州諸軍

事鎮穰城梁雍州刺史岳陽王蕭詵雖曰稱藩而尚懷貳
 心皇考自樊城觀兵漢濱易旗遞進實二千騎登穰城望
 之以為三萬懼而服焉又攻梁隨郡剋之獲其守桓和所
 遺城戍望風請服進圍安陸梁司州刺史柳仲禮恐安陸
 不守馳歸赴援諸將恐仲禮至則安陸難下請急攻之皇
 考曰仲禮已在近路吾以奇兵襲之一舉必剋則安陸不
 攻自拔諸城可傳檄而定於是選騎二千銜枚夜進遇仲
 禮於滎頭禽之悉俘其衆安陸竟陵竝降梁元帝大懼送
 子方略為質并送載書請魏以石城為限梁以安陸為界
 皇考乃旋師進爵陳留郡公位大將軍十七年梁元帝逼

其兄邵陵王綸送質於齊欲來寇梁元帝密報周文遣皇
考討之禽綸數其罪殺之初皇考禽柳仲禮遇之甚厚仲
禮至京反譖皇考言在軍大取金寶周文以皇考功重不
問然皇考悔不殺仲禮故至此殺綸皇考間歲再舉盡定
漢東地其得新附心魏恭帝賜姓普六茹氏行同州事交
于謹伐江陵皇考為前軍屯江津道其走路梁人束刃於
象鼻以戰皇考射之二象反走江陵平周文立蕭詧為梁
主令皇考鎮穰城周孝閔踐阼入為小宗伯及司馬消難
請降皇考與柱國達奚武援之入齊境五百里前後遣三
使報消難皆不反命及去北豫州三十里武疑有變欲還

皇考曰有進死無退生獨以千騎夜趣城下候門開而入
乃馳遣召武時齊鎮城伏敬遠勒甲士三千據東門舉烽
嚴整武憚之不欲保城乃多取財寶以消難先歸皇考以
三千騎殿到洛南皆解鞍而卧齊衆來追至於洛北皇考
謂將士曰但飽食今在死地賊必不敢度水食畢齊兵陽
若度水皇考馳將擊之齊兵不敢逼遂徐引而還武歎曰
達奚武自言是天下健兒今日服矣進位柱國大將軍武
成元年進封隋國公邑万户別食竟陵縣一千户收其租
賦保定二年為大司空時朝議與竇厥伐齊公卿咸以齊
兵強國富斛律明月不易可當兵非十萬衆不可皇考獨

曰萬騎足矣明月豎子亦何能為三年乃以皇考為元帥
大將軍楊纂李穆王傑尔朱敏及開府元壽田弘慕容近
等皆隸焉又令達奚武帥步騎三萬自南道進期命晉陽
皇考乃留敏據什賁游兵河上皇考出武川過故宅祭先
人饗將士席卷二十餘城齊人守陞嶺之隘皇考縱奇兵
大破之留楊纂屯靈立為後拒突厥木杆可汗控地頭可
汗步離可汗等以十萬騎來會

四年正月朔攻晉陽時大雪風寒齊人乃悉其精銳鼓譟
而出突厥引上西山不肯戰衆失色皇考乃率七百人步
戰死者十四五以武後期乃班師齊人亦不敢逼突厥乃

縱兵大掠自晉陽至平成七百餘里人畜無遺周武帝拜
皇考為大傅晉公護以其不附已以為涇州總管是歲大
軍又東伐晉公護出洛陽令皇考出沃野以應接突厥時
軍糧少諸將憂之皇考曰當獲以濟事耳乃招誘稽胡首
領咸令在坐使王傑盛軍容鳴鼓而出皇考陽怪問之傑
曰大家宰已至洛陽天子聞銀夏間胡擾動故使傑就攻
除之又令突厥使者馳告曰可汗更入并州留兵馬十萬
在長城下故令問公若有稽胡不服欲來共破之坐者皆
懼皇考慰喻遣之於是歸命饋輸填積屬晉公護先退皇
考亦罷兵而還鎮又以政績稱詔賜錢三十萬布五百匹

穀二千斛以瘵遷京周武及晉公護屢臨視焉薨贈太保
都督同朔等十三州軍事同州刺史本官如故謚曰桓公
開皇元年追尊為武元皇帝廟号太祖帝武元皇帝之長
子也皇妣曰呂氏以周大統七年六月癸丑夜生帝於馮
翊波若寺有紫氣充庭時有尼來自河東謂皇妣曰此兒
所從來甚異不可於俗間處之乃將帝舍於別館躬自撫
養皇妣抱帝忽見頭上出角徧體起鱗墜帝于地尼負外
見曰已驚我兒致今晚得天下帝龍額額上有五柱入頂
目光外射有文在手曰王字長上短下沈深嚴重初入大
李雖至親昵不敢狎也年十四京兆尹薛善辟為功曹十

五以皇考勲授散騎常侍車騎大將軍儀同三司封成紀
縣公十六遷驃騎大將軍加開府周文帝見而歎曰此兒
風骨非世間人明帝即位授左小宗伯進封大興郡公明
帝嘗遣善相者來和視帝和詭對曰不過柱國既而私謂
帝曰公當為天下君必大誅殺而後定周武帝即位遷小
宗伯出為隋州刺史進位大將軍後徵還遇皇妣寢疾三
年晝夜不離左右以純孝稱宇文護執政尤忌帝屢將害
焉賴大將軍侯壽等救護以免後襲爵隋國公周武
既為皇太子媪帝長女為妃益加禮重齊王憲言於周武
曰普六茹堅相貌臣每見之不覺自失恐非人下請早除

之周武曰此止可爲將耳內史王軌驟諫曰皇太子非社稷主普六茹堅有反相周武不悅曰必天命將若之何帝甚懼深自悔匿後從周武平齊進柱國又與齊王憲破齊任城王潛於冀州除定州摠管先是州城門久閉不行齊人白文宣時或請開之文宣不許曰當有聖人啓之及帝至而開之莫不驚異遷臺州摠管周宣帝即位以后父徵拜上柱國大司馬大象初遷大後丞右司武俄轉大前疑周宣每巡幸恒委以居守時周宣爲刑經聖制其法深刻帝以法令滋章非興化之道切諫不納帝位望益隆周宣頗以爲忌時周宣四幸女竝爲皇后爭寵相毀周宣每謂

后曰必族滅尔家因召帝命左右曰若色動即殺之帝容色自若遂免大象二年五月以帝爲揚州摠管將發暴足疾而止乙未周宣不愈時靜帝幼冲前內史上大夫鄭譯御正大夫劉昉以帝皇后之父衆望所集遂矯詔引帝入侍疾因受遺輔政都督內外諸軍事帝恐周武諸王在藩生變稱趙王招將嫁女於突厥爲詞以徵之已而周宣崩庚戌靜帝詔假黃鉞左大丞相百官摠已而聽焉以正陽宮爲丞相府以鄭譯爲長史劉昉爲司馬具置寮佐周宣時刑政峻酷者悉更以寬大之制天下歸心矣六月趙王招陳王純越王達代王盛滕王道竝至長安相州摠管尉

遲迴自以宿將至是不能平遂率兵趙魏之士響應旬日
間衆至十餘万宇文胄以榮州石慈以建州席毗以沛郡
毗弟又羅以兗州皆應迴遣子質於陳以求援帝命上柱
國鄭公韋孝寬討之雍州牧畢王賢及趙陳等五王謀作
亂帝執賢斬之而掩趙王等罪因詔五王劔獲上殿入朝
不趨以安之時五王陰謀滋甚帝以酒肴造趙王觀其指
趙王伏甲於卧内帝賴元胄以免於是誅趙越二王八月
庚午韋孝寬破尉遲迥斬之傳首闕下餘黨悉平初迥之
亂鄭州總管司馬消難據州應迴淮南州縣多從之襄州
總管王誼討之消難奔陳荆郢羣蠻乘釁而起命亳州總

管賀若誼討平之先是上柱國王謙為益州總管亦擁衆
巴蜀以臣復為辭帝以東夏山南為事未遑致討謙遂屯
劔口陷始州至是乃命上柱國梁睿討平之傳首闕下陳
劔閣之險以絕好亂之萌焉九月壬子周帝進帝大丞相
十月周帝詔追贈皇曾祖烈為柱國大保都督十州諸軍
事徐州刺史隋國公諡曰康皇祖禎為柱國都督十三州
諸軍事尚州刺史隋國公諡曰獻皇考忠為上柱國太師
大冢宰都督十二州諸軍事雍州牧壬戌誅陳王純周帝
進帝大冢宰五府摠於天官十一月辛未誅代王達滕王
道十二月甲子周帝授帝相國摠百揆去都督內外諸軍

事大冢宰之号進爵為王以隋州之崇業鄭州之安陸城
陽溫州之宜人應州之平靖上明順州之淮南士州之永
川昌州之廣昌安昌中州之義陽淮安息州之新蔡建安
豫州之汝南臨賴廣寧初安蔡州之蔡陽郢州之漢東二
十郡為隋國劍獲上殿入朝不趨贊拜不名備九錫之禮
加璽紱遠游冠相國印綠綬綬位在諸侯王上隋國置牙
相以下一依舊式帝再讓乃授王爵十郡而已周帝詔進
皇祖皇考爵並為王夫人為王妃

大定元年二月壬子下令曰以前賜姓皆復其舊甲寅帝
受九錫之禮景表周帝又詔帝冕十有二旒建天子旌旗
出警入蹕乘金根車駕六馬備五時副車置旄頭雲罕樂
舞八佾設鍾虡宮縣王妃為王后世子為太子前後三讓
乃受俄而下詔依唐虞漢魏故事帝三讓不許乃遣太傅
上柱國杞國公椿奉冊曰咨爾相國隋王粵若上古之初
爰啓清濁降符授聖為天下君事上帝而理兆庶和百靈
而利物非以區寓之富未以宸極為尊大矣軒轅以前
驅連赫胥之日咸以無為無欲不將不迎遐哉其詳不可
聞已厥有載籍遺文可觀聖莫逾於堯美未過於舜堯得
太尉已作運衡之篇舜遇司空便叙青華之竭褰裳脫屣
二宮設饗百官歸禹若帝之初斯蓋上則天時不敢不授

下祇天命不敢不受湯代於夏武革於殷干戈揖讓雖復
異揆應天順人其道靡異自漢迄晉有魏至周天曆逐獄
訟之歸神鼎隨謳歌之去道高者稱帝祿盡者不王與夫
文祖神宗無以別也周德將盡禍難頻興宗戚姦回咸將
竊發顧瞻宮闕將圖宗社潘維連率逆亂相尋搖蕩三方
不合如礪蛇行鳥攫投足無所王受天明命獻德在躬救
頽運之艱匡墜地之業援大川之溺救燎原之火除群凶
於城社廓被氛於遠服至德合於造化神用洽於天壤八
極九野万方四裔圓首方足莫不樂推往歲長星夜掃經
天晝見八風比夏后之作五緯同漢帝之聚除舊之徵昭

然在上近者赤雀降社公龜効靈鍾石變音蛟魚出穴有
新之貺煥焉在下九區歸往百靈協贊人神屬望我不獨
知仰祇皇鑿俯順人願故以帝位禪於爾躬夫祚告窮天
祿永終於戲王其允執厥和儀刑典訓升圓立而敬蒼昊
御皇極而撫黔黎副率土之心恢無疆之祚可不盛歎遣
太宗伯大將軍金城公趙襲奉皇帝璽綬百官勸進帝乃
受焉

開皇元年春二月甲子自相府常服入宮備禮即皇帝位
於臨光殿設壇於南郊遣兼太傅上柱國鄧公竇熾祭燎
告天是日告廟大赦改元京師慶雲見改周官在漢魏之

之舊制以相國司馬高頴為尚書左僕射兼納言相國司
錄虞慶則為內史監兼吏部尚書相國內郎李德林為內
史令上開府韋世康為禮部尚書上開府元暉為都官尚
書開府戶部尚書元巖為兵部尚書上儀同司宗長孫毗
為工部尚書上儀同司會揚尚希為度支尚書雍州牧揚
惠為左衛大將軍乙丑追尊皇考為武元皇帝廟号太祖
皇妣呂氏為元明皇后改周氏左社右廟制為右社左廟
遣八使巡省風俗景寅修廟社立王石獨孤氏為皇后王
太子勇為皇太子丁卯以大將軍趙
為尚書右僕射以
上開府伊婁彥恭為右武侯大將軍
已以五千戶封周

帝介國公為隋室賓旌旗車服禮樂一如其舊上書不為
表答表不稱詔周氏諸王盡降為公辛未以皇弟同安郡
公爽為雍州牧乙亥封皇弟邵國公慧為滕王同安公爽
為衛王皇子鴈門公為晉王俊為秦王元為越王諒為漢
王并州總管李穆為太師上柱國實熾為太傅幽州總管
于翼為太尉觀國公田仁恭為太子太師武德郡公柳敏
為太子太保丁丑以晉王廣為并州總管封陳留郡公智
積為蔡王興城郡公靜為道王戊寅改東京府為尚書省
發官牛五千頭分賜貧人三月宣仁門槐樹連理眾枝內
附壬午白狼國獻方物丁亥詔大馬器翫口味不得獻上

戊子弛山澤禁己丑移盤屋連理樹植于宮庭戊戌以太
子少保蘇威兼納言吏部尚書庚子詔前代品爵悉依舊
定丁未梁蕭巖歸使其太子蕭巖來賀夏四月辛巳大赦戊
戌太常散樂並免為編戶禁雜樂百戲辛丑陳人來聘于
周至而上巳受禪致之介國是月發稽胡修築長城二旬
而罷五月戊午封邦國公揚雄為廣平王永康郡公楊弘
為河間王辛未介公薨上舉哀於朝堂諡曰周靜帝六月
癸未詔以初受命赤雀降祥推五德相生為火色其郊及
社廟依服冕之儀而朝會之服旗幟犧牲盡尚赤龍尚黃
秋七月乙卯上始服畫百寮畢賀八月壬午廢東京官中

午遣樂安公元諧擊吐谷渾於青海破而降之九月戊申
遣使振給戰士者家庚午陳將周羅暉攻陷胡野赤洳摩訶
寇江北辛未以越王秀為益州總管改封蜀王壬申以薛
公長孫覽宋安公元景山竝為行軍元帥伐陳仍令上書
左僕射高頴節度諸軍是月行五銖錢冬十月乙酉百濟
王扶餘昌遣使來賀授昌上開府儀同三司帶方郡公戊
子行新律壬辰行幸岐州十一月乙卯以永富郡公竇榮
定為右武侯大將軍遣兼散騎侍郎鄭筠使於陳己巳有
流星如墜牆光照于地十二月甲申以禮部尚書韋世康
為吏部尚書庚子至自岐州壬寅高麗王高陽遣使朝貢

授陽大將軍遼東郡公太子太保柳敏卒是歲靺鞨突厥
阿波可汗沙鉢略可汗竝遣使朝貢

二年春正月庚申陳宣帝殂辛酉置河北道行臺尚書省
於并州以晉王廣為尚書令置河南道行臺尚書省於洛
州以秦王俊為尚書令置西南道行臺尚書省於益州以
蜀王秀為尚書令戊辰陳人遣使請和求歸胡墅甲戌詔
舉賢良二月己丑詔以陳有喪命高頴等班師庚寅加晉
王廣左武衛大將軍秦士浚右武衛大將軍庚子京師雨
土三月初命入宮殿門滿籍戊申開渠引杜陽水於三時
夏四月丁丑以寧州刺史

定為左武侯大將軍

寅大將軍韓僧壽破突厥於雞頭山上柱國李充破突厥
於河北山五月戊申以上開府長孫平為度支尚書己酉
以旱故上親省囚徒其日大雨己未高寶靈寇平州突厥
入長城庚申以豫州刺史皇甫績為都官尚書甲子改傳
國璽曰受命璽丁卯制人年六十以上免課六月壬午以
太府卿蘇孝慈為兵部尚書甲申使使弔於陳乙酉上柱
國李充破突厥于馬邑景申詔曰朕祇奉上玄君臨萬國
屬生靈之弊處前代之宮以為作之者勞居之者逸改創
之事心未遑也而王公大臣陳謀獻策咸云義農以降至
于姬劉有當世而屢遷無革命而不徙曹馬之後時見因

循乃末世之宴安非往聖之宏義此城從漢彫殘日久爰
為戰場舊經喪亂今之宮室近代權宜又非謀筮從龜瞻
星揆日不足建皇王之邑合大衆所聚論變通之數具幽
顯之情同心固請詞情深切然則京師百官之府四海歸
向非朕一人之所獨有苟利於物其可違乎且殷之五遷
恐人盡怨是則以吉凶之土制長短之命謀新去故如農
望秋雖則劬勞其究安宅今區寓寧一陰陽順序安安以
遷勿懷胥怨龍首山川原秀麗卉物滋阜卜食相土宜建
都邑定鼎之基永固無窮之業在斯公私府宅規模遠近
營構資須隨事修葺仍詔左僕射高穎將作大匠劉龍鉅

鹿郡公賀婁子幹太府少卿高龍又等創造新都秋七月
癸巳詔新置都處墳墓令悉遷葬設祭仍給人功無主者
命官為殯葬甲午行新令冬十月以徹毀故徙居東宮給
內外官人祿癸酉皇太子勇屯兵咸陽以備胡虜庚寅上
疾愈享首寮於觀德殿賜錢帛皆任自取盡力以出辛卯
以營新都副監賀婁子幹為工部尚書十一月景午初命
為方陣戰法及制軍營圖樣下諸軍府以擬征突厥十二
月辛未上講武于後園甲戌上柱國竇毅卒景子名新都
曰大興城乙酉遣彭城公虞慶則屯弘化以備胡突厥寇
周槃行軍摠管達奚長儒為虜所敗景戌賜國子生經明

者束帛丁亥親錄囚徒是歲高麗百濟竝遣使朝貢

三年春正月庚子將遷新都大赦禁大刀長稍始令人以

二十一成丁歲役功不過二十日不役者收庸廢遠近酒

坊罷益井禁二月己巳朔日有蝕之癸酉陳人來聘突厥

犯邊癸未以左武衛大將軍李禮成為右武衛大將軍三

月丁未上柱國鮮虞縣公謝慶恩卒景辰以兩故常服入

新都京師承明里醴泉出丁巳詔購遺書於天下癸亥城

榆關夏四月己巳衛王爽大破突厥於白道山停築原陽

雲內紫河等鎮而還上柱國建平郡公于義卒庚午吐谷

渾寇臨洮洮州刺史皮子信死之壬申以尚書右僕射趙

暉兼內史令丁丑以滕王瓚為雍州牧庚辰行軍總管陰

壽大破高寶寧于黃龍甲申以旱故上親祀雨師景戌詔

天下勸學行禮己丑陳郢州城下長子譏遣使請降上以

和好不納辛卯遣兼散騎常侍薛劄聘於陳癸巳上親專

五月癸卯大尉任城公于翼薨行軍總管李晃破突厥於

摩那渡口乙巳梁太子蕭琮來賀遷都辛酉親祀方澤壬

戌行軍元帥竇榮定破突厥及吐谷渾於涼州赦黃龍死

罪以下六月庚午封衛王爽子集為遂安郡王戊寅突厥

遣使求和庚辰行軍總管梁遠破吐谷渾於余汗山斬其

名王秋七月壬戌詔曰往者山東河表經此妖亂孤城遠

守多不自全濟陰太守杜猷身陷賊徒命懸寇手郡省事
范臺致傾產營護免其戮辱眷言誠節實有可嘉宜超
賞用明沮勸臺致可大都督假湘州刺史丁卯日有蝕之
八月壬午遣尚書右僕射高頴出寧州道吏部尚書虞慶
則出原州道竝為行軍元帥以擊胡戊子親祀太社九月
壬子幸城東觀穀稼癸丑大赦冬十月甲戌廢河南道行
臺省十一月發使巡省風俗庚辰陳人來聘陳主知帝貌
異世人使副使袁彥圖像而去甲午罷天下諸郡十二月
乙卯遣兼散騎常侍唐令則使於陳戊午以刑部尚書蘇
威為戶部尚書是歲高麗突厥靺鞨竝遣使朝貢

四年春正月甲子朔日有蝕之祀太廟辛未祀南郊壬申
梁主蕭歸來朝甲戌大射於北苑十日而罷壬午齊州水
辛卯渝州獲獸似麋一角同蹄壬辰班新曆二月乙巳上
餞梁主于霸上庚戌行幸隴州突厥可汗阿史那玷厥率
其屬來降夏四月己亥勅摠管刺史父母及子年十五以
上不得將之官庚子以吏部尚書虞慶則為尚書右僕射
瀛州刺史楊尚希為兵部尚書毛州刺史劉仁恩為刑部
尚書五月癸酉契丹主莫賀弗遣使請降拜大將軍六月
庚子降囚徒壬子開通濟渠自渭達河以通運漕甲寅制
官人非戰功不授上柱國以下戎官以雍同華岐宜五州

旱命無出今年租調戊午秦王俊來朝秋七月景寅陳人
來聘八月甲午遣十使巡省天下戊戌衛王爽來朝壬寅
上柱國太傅鄧公竇熾薨乙卯陳將夏侯苗請降上以通
和不納九月己巳上親錄囚徒庚午契丹內附甲戌以關
中饑行幸洛陽冬十一月壬戌遣兼散騎常侍薛道衡使
於陳甲戌改周十二月為臘蜡是歲靺鞨及女國並遣使
朝貢

五年春正月戊辰詔行新禮壬申詔罷江陵總管其後梁
主請依舊許之三月戊午以尚書左僕射高熲為左領軍
大將軍以上柱國宇文忻為右領軍大將軍夏四月甲午

契丹遣使朝貢壬寅上柱國王誼謀反誅乙卯詔徵山東
大儒馬榮伯等戊申車駕至自洛陽五月甲申初置義倉
梁主蕭巋殂遣上大將軍元契使于突厥阿波可汗秋七
月庚申陳人來聘壬午突厥沙鉢略可汗上表稱臣八月
甲辰河南諸州水遣戶部尚書蘇威振給之戊申有流星
數百四散而下九月乙丑改鮑陂曰杜陂霸水曰滋水景
子遣兼散騎常侍李若使於陳冬十一月丁卯晉王廣來
朝十二月丁未降囚徒

六年春正月甲子党項羌內附庚子班曆於突厥壬申使
戶部尚書蘇威巡省山東二月乙酉山南荆浙七州水遣

前工部尚書長孫毗振恤之景戌制刺史上佐每歲暮更
入朝上考課丁亥發丁男十一万修築長城二旬而罷庚
子大赦三月己未洛陽男子高德上書請帝為太上皇傳
位皇太子帝曰朕承天命撫育蒼生日旰孜孜猶恐不逮
豈學近代帝王事不師古傳位於子自求逸樂哉癸亥突
厥沙鉢略可汗遣使朝貢夏四月己亥陳人來聘秋七月
辛亥河南諸州水乙丑京師雨毛如馬尾長者二尺餘短
者有六七寸八月辛卯閏內七州旱蠲其賦稅遣散騎常
侍裴世豪使于陳戊申上柱國太師申公李穆薨閏月丁
卯皇太子鎮洛陽辛未晉王廣秦王俊並來朝景子上柱
國郕公梁士彥上柱國杞公宇文忻柱國舒公劉昉謀反
伏誅上柱國許公宇文善有罪除名九月辛巳帝素服御
謝殿詔百寮射梁士彥三家資物景戌上柱國宋安公元
景山卒辛丑詔振恤大象以來死事之家冬十月己酉以
河北道行臺尚書令并州總管晉王廣為雍州牧餘官如
故以兵部尚書楊尚希為禮部尚書癸丑置山南道行臺
尚書省於襄州以秦王俊為尚書令

七年春正月癸巳祀太廟乙未制諸州歲貢三人二月丁
巳祀朝日於東郊己巳陳人來聘壬申幸醴泉宮是月發
丁男十万修築長城二旬而罷夏四月庚戌於揚州開山

陽瀆以通運漕突厥沙鉢羅可汗卒癸亥頒青龍符於東
方愼管刺史西方以白武南方以朱雀北方以玄武甲戌
遣兼散騎常侍楊周使于陳以戶部尚書蘇威為吏部尚
書五月乙亥朔日有蝕之己卯隕石於武安滏陽間十餘
里秋七月己丑衛王爽薨八月庚申梁主蕭琮來朝九月
乙酉梁安平王蕭巖掠於其國以奔陳辛卯廢梁國曲赦
江陵以梁主蕭琮為柱國封莒國公冬十月庚申行幸同
州以先帝所居故曲梁因徙癸亥辛蒲州景實宴父老上
御教曰此間人物衣服鮮麗容止閑雅良由仕宦之鄉陶
染成俗也十一月甲午幸馮翊祭故社父老對詔失旨上

大怒免其縣官而去戊戌車駕至自馮翊

八年春正月乙亥陳人來聘二月辛酉陳人寇破州三月
辛未上柱國隴西公李詢卒甲戌遣兼散騎常侍程尚賢
使于陳戊寅詔大舉伐陳秋八月丁未河北諸州飢遣吏
部尚書蘇威振恤之九月癸巳嘉州言龍見冬十月己未
置淮南行臺省於壽春以晉王廣為尚書令辛酉陳人來
聘拘留遣甲子有星孛于牽牛享太廟授律令晉王廣
秦王俊清河公楊素並為行軍元帥以伐陳於是晉王出
六合秦王出襄陽清河公楊素出信州荊州刺史劉仁恩
出江陵宜陽公王世積出蕪春新義公韓擒出廬江襄邑

公賀若弼出吳州落叢公燕榮出東海合惣管九十兵五十一萬八千皆受晉主即度東接滄海西拒巴蜀旌旃舟楫橫亘數千里仍由救陳國十一月丁卯車駕餞師詔購陳叔寶位上注國乃公乙亥行幸定城陳師誓衆景子幸河東十二月車駕至自河東

九年春正月癸酉以尚書左僕射虞慶則為右衛大將軍景子賀若弼敗陳師於蔣山獲其將蕭摩訶韓擒進師入建鄴獲陳主叔寶陳國平合州四十郡一百縣四百九十五萬口二百万癸巳遣使持節巡撫之二月乙未廢淮南尚書省景申制五百家為鄉正一人百家為里長一人夏

四月巳亥幸驪山親勞旋師乙巳三軍凱入獻俘於太廟以晉主廣為太尉庚戌帝御廣陽門宴將士頒賜各有差辛亥大赦以陳都官尚書孔範散騎常侍王瑳王儀御史中丞沈觀等邪佞於其主以致亡滅皆投之邊裔陳人普給復十年軍人畢世免徭役擢陳之文武衆才而用之官數數千可歸者歸之其餘盡以分賜將士及王公貴臣其資物皆於五梁賜王公以下大射毀所得秦漢三大鐘越二大鼓又設亡陳女樂謂公卿等曰此聲似帝朕聞之甚不喜故與公等一聽亡國之音俱為永鑒焉辛酉以吏部侍郎宇文弼為刑部尚書宗正卿楊昇為工部尚書壬戌

詔曰今率土大同含生遂性兵可立威不可不戢刑可助
化不可專行禁衛九重之餘鎮守四方之外戎旅軍器皆
宜停罷武力之子俱可學文人間甲仗悉皆除毀閏月丁
丑頒木魚符於摠管刺史雌一雄三巳卯以吏部尚書蔣
威為尚書右僕射六月乙丑以荊州摠管楊素為納言丁
卯以吏部侍郎盧愷為禮部尚書時羣臣咸請封禪詔不
許曰豈可命一將軍除一小國以薄德而封名山用虛言
而干上帝邪八月壬戌以廣平王雄為司空冬十一月壬
辰考使定州刺史豆盧通等上表請封禪上不許庚子以
右衛大將軍虞慶則為右武侯大將軍右領軍將軍李安

為右領軍大將軍甲寅降囚徒十二月甲子詔太常卿牛
弘通直散騎常侍許善心祕書丞姚察通直郎虞世基等
議定樂

十年春正月乙未以皇孫昭為何南王楷為華陽王二月
庚申行幸并州夏五月乙未詔曰魏末喪亂寓縣瓜分役
軍歲勤未遑休息兵士軍人權置坊府南征北伐居處無
定家無完堵地罕苞桑恒為流寓之人竟無鄉里之号朕
甚愍之凡是軍人可悉屬州縣懇田籍帳一同編入軍府
統領宜依舊式罷山東河南及北方緣邊之地新置軍府
六月辛酉制人年五十免役折庸秋七月癸卯以納言楊

素為內史令庚戌上親錄囚徒辛亥高麗遼東郡公高陽
卒八月壬申遣柱國韋洸上開府王景立持節巡撫嶺南
自越皆服九月丁酉至自并州冬十月甲子頒木魚符於
京官五品以上十一月辛卯幸國學頒賜各有差辛丑祀
南郊是月婺州人汪文進會稽人高智慧蘇州人沈玄愴
皆舉兵反自稱天子樂安蔡道人饒州吳世華永嘉沈孝
徹泉州王國慶餘杭楊寶英交趾李春等皆自稱大都督
詔內史令楊素討平之是歲吐谷渾契丹並遣使朝貢
十一年春正月丁酉以平陳所得古器多為祆變悉命毀
之景午皇太子妃元氏薨上舉哀於東宮文思殿二月戊

午以大將軍蕭瑒為工部尚書景季以臨穎令劉暉政
績尤異擢為荊州刺史辛巳晦日有蝕之夏五月乙巳以
右衛將軍元旻為左衛大將軍秋八月壬申滕王瑒薨乙
亥上柱國沛國公鄭譯卒是歲高麗靺鞨並遣使朝貢突
厥獻七寶盤

十二年春二月己巳以蜀王秀為內史令兼右領軍大將
軍以漢王諒為雍州牧右衛大將軍秋七月乙巳尚書右
僕射邳公蘇威禮部尚書容城侯盧愷並坐事除名壬申
晦日有蝕之八月甲戌制天下死罪諸州不得便決皆令
大理覆之癸巳制宿衛者不得輒離所守丁酉上柱國楚

公亶庸勳卒戊戌上親錄囚徒冬十月丁丑以遂安王集為衛王壬午祀太廟至太祖神主前帝流涕嗚咽不自勝十一月辛亥祀南郊己未上柱國新義公韓擒卒甲子百寮大射於武德殿十二月乙酉以內史令楊素為尚書右僕射是歲突厥吐谷渾靺鞨並遣使朝貢

十三年春正月乙巳上柱國郇公韓建業卒壬子祀感帝己未以信州摠管韋世康為吏部尚書壬戌行幸岐州二月景子詔營仁壽宮丁亥至自岐州己卯立皇孫暕為豫章王戊子晉州刺史南陽郡公賈悉達隰州摠管撫寧郡公韓延等以賄伏誅己丑制坐事去官者配防一年丁酉

制私家不得隱藏緇倖圖讖夏五月癸亥詔禁人間撰集國史臧否人物秋七月戊辰晦日有蝕之九月景辰降囚徒庚申封邵公楊綸為滕王冬十一月乙卯上柱國華陰公梁彥光卒是歲契丹靺鞨並遣使朝貢

十四年夏四月乙丑詔曰比命有司摠令研究正樂雅聲詳定已訖宜即施用見行者停人間音樂流僻日久棄其舊體競造繁聲流宕不歸遂以成俗宜加禁約務存其本五月辛酉京師地震關內諸州旱六月丁卯詔省府州縣皆給解田不得興生與人爭利秋七月乙未以邳公蘇威為納言八月辛未關中大旱人飢行幸洛陽并命百姓山

東就食冬閏十月甲寅詔曰梁齊陳往皆創業一方綿歷
年代既宗祀廢絕祭奠無主興言矜念良以愴然莒國公
蕭琮及高仁英陳叔寶等宜令以時世修祭祀所須器物
有司給之乙卯制外官九品以上父母及子年十五不得
從之官十一月壬戌制州縣佐史三年一代不得重任癸
未有星孛于角亢十二月乙未東巡狩

十五年春正月壬戌車駕次齊州親問疾苦景寅旅王符
山庚午以歲旱祀太山以謝愆咎大赦二月景辰禁私家
畜兵器關中緣邊不在其例禁河以東無得乘馬丁巳上
柱國蔣公梁睿卒三月己未車駕至自東巡望祭五嶽海

瀆丁亥幸仁壽宮夏四月己丑朔大赦甲辰以趙州刺史
楊達為工部尚書五月丁亥制京官五品以上佩銅魚符
六月戊子詔鑿砥柱庚寅相州刺史豆盧通貢綾文布命
焚之于朝堂辛丑詔名山未祀者悉命祀之秋七月
甲戌遣郢公蘇威巡省江南戊寅至自仁壽宮辛巳制九
品以上官以理去官者竝聽執笏冬十二月戊子救盜邊
糧一升以上皆斬籍沒其家己丑詔文武官以四考更代
是歲吐谷渾林邑等國竝遣使朝貢

十六年春二月丁亥封皇孫裕為平原王筠為安成王嶷
為安平王恪為襄城王該為高陽王韶為建安王奭為潁

川王夏六月甲午制工商不得進仕并州大蝗辛丑詔九品以上妻五品以上妾夫亡不得改嫁秋八月庚戌詔決死罪者三奏而後行刑冬十月己丑幸長春宮十一月壬子至自長春宮

十七年春二月癸未太平公史万歲伐西寧寇之庚寅行幸仁壽宮庚子上柱國王世積討桂州賊李光仕平之三月景辰詔諸司屬官有犯聽於律令外斟酌決杖辛酉上親錄囚徒癸亥上柱國彭城公劉昶以罪伏誅庚午遣御史柳或皇甫誕巡省河南北夏四月戊寅頒新曆五月庚申宴百寮於玉女泉班賜各有差己巳蜀王秀來朝閏月

己卯羣鹿入殿門馴擾侍衛之內秋七月丁丑桂州人李世賢反遣右武侯大將軍虜慶則討平之丁亥并州摠管秦王俊坐事免以王就第九月甲申車駕至自仁壽宮庚寅上謂侍臣曰朝廷設樂本以迎神齋祭之日觸目多感當此之際何可為心在路奏樂禮為未允公卿宜更詳之冬十月丁未頒銅武符於驃騎車騎府戊申道王靜嘉庚午詔曰五帝異樂三王殊禮皆隨事而有損益因情而立節文仰惟祭享之朝瞻敬如在罔極之感情深茲日而禮畢升路鼓吹發舞還入宮門金石振響斯則哀樂同日心事相違情所不允理寔未允宜改茲往式用弘禮教自今

享朝日不須備鼓吹殿庭勿設樂懸辛未京下大索十二
月壬子上柱國石武侯大將軍魯公虞慶則以罪伏誅是
歲高麗突厥遣使朝貢

十八年春正月辛丑詔曰吳越之人往承襲俗所在之處
私造大船因相聚結致有侵害江南諸州人間有船長三
丈以上悉括入官二月甲辰幸仁壽宮乙巳以漢王諒為
行軍元帥水陸二十萬伐高麗夏五月辛亥詔畜猫鬼蠱
毒厭魅野道之家投于四裔六月景寅詔黜高麗王高元
官爵秋八月景子詔京官五品以上惣管刺史舉志行修
謹清平幹濟之士九月己丑漢王諒師遇疾疫而旋死者

十三庚寅敕舍客無公驗者坐及刺史縣令辛卯車駕
至自仁壽宮冬十一月甲戌帝親錄囚徒癸未祀南郊十
二月庚子上柱國夏州惣管東萊公王景以罪伏誅是歲
自京師至仁壽宮置行宮十所祀宋陳臺曹戴賴等州水
詔並免庸調

十九年春正月癸酉大赦戊寅大射于武德殿二月己亥
晉王賁來朝甲寅幸仁壽宮夏四月丁酉突厥利可汗內
附達頭可汗犯塞行軍惣管史乃歲擊破之六月丁酉以
豫章王暕為內史令秋八月癸卯上柱國尚書左僕射齊
公高賴坐事免辛亥上柱國皖城公張威卒甲寅上柱國

城陽公李徹卒九月乙丑以太常卿牛弘為吏部尚書冬
十月甲午以突厥利可汗為啓人可汗築大利城處其部
落十一月有司言元年巳來日漸長十二月乙未突厥都
監可汗為部下所殺國大亂星隕於勃海

二十年春正月辛酉朔突厥高麗契丹竝遣使朝貢二月
丁丑無雲而雷三月辛卯熙州人李英林反遣行軍總管
張衡討之夏四月壬戌突厥犯塞以晉王廣為行軍元帥
擊破之乙亥天有聲如寫水自南而北六月丁丑秦王俊
薨秋九月丁未車駕至自仁壽宮冬十月乙丑廢皇太子
勇及其諸子竝為庶人殺在國太平公史万歲巳巳殺左

衛大將軍五原公元晟十一月戊子以晉王廣為皇太子
天下地震京城大風雪十二月戊午詔東宮官屬於皇太
子不得稱臣辛巳詔毀壞偷盜佛及天尊像嶽鎮海瀆神
形者以不道論沙門壞佛像道士壞天尊像以惡逆論
仁壽元年春正月乙酉朔大赦改元以尚書右僕射楊素
為左僕射以納言蘇威為右僕射丁酉徙河南王昭為晉
王突厥寇恒安遣柱國韓洪擊之敗焉以晉王昭為內史
令辛丑詔曰投生殉節自古稱難殞身主事禮加二等而
世俗之徒不達大義致命戎旅不入北域興言念此每深
愍歎且入廟祭祀竝不廢闕何止墳塋獨在其外自今戰

亡之祔宜入墓域二月乙卯朔日有蝕之夏五月己丑突厥男女九萬餘口來降壬辰驟雨震雷大風拔木宜君湫水移於始平六月乙卯遣十六使巡省風俗乙丑廢太學及州縣學唯留國子一學取正三品以上子七十二人充生頒舍利於諸州秋七月戊戌改國子為太學十一月己五祀南郊十二月揚素擊突厥大破之

二年春三月己亥辛仁壽宮夏四月庚戌岐雍二州地震秋七月景戌詔內外官各舉所知八月己巳皇后獨孤氏崩九月景戌車駕至自仁壽宮壬辰河南北諸州大水遣工部尚書楊達振恤之乙未上柱國袁州總管金水公周

搖卒隴西地震冬十月壬子曲赦益州管內癸丑以工部尚書楊達為納言閏月甲申詔尚書左僕射楊素與諸術者判定陰陽舛謬己丑詔楊素右僕射蘇威吏部尚書牛弘內史侍郎薛道衡祕書丞許善心內史舍人虞世基著作郎王劼等修定五禮壬寅葬獻皇后於太陵十二月癸巳益州總管蜀王秀有罪廢為庶人交州人李佛子舉兵反遣行軍總管劉方討平之

三年春二月戊子以大將軍蔡陽郡公姚辨為左武侯大將軍夏五月癸卯詔曰六月十三日是朕生日其日令海內為武元皇帝元明皇后斷屠六月甲午詔曰禮云親以

暮斷蓋以四時之變易方物之更始故聖人象之其有三
年加隆爾也但家無二尊母為厭降是以父在喪母還服
于暮者服之正也豈容暮內而更小祥然三年之喪而有
小祥者禮云暮祭禮也暮而除喪道也以是之故雖未再
暮而天地一變不可不祭不可不除故有練焉以存喪祭
之本然暮喪有練於理未安雖云十一月而練乃無所法
象非暮非時豈可除祭而儒者徒擬三年之喪立練禫之
節可謂苟存其變而失其本欲漸於奪乃薄於喪致使子
則冠練去經黃裏縗緣經則布葛在躬麤服未改豈非經
哀尚存子情已奪親踈失倫輕重顛到乃不順人情豈聖

人之意也故非先聖之禮廢於人邪三年之喪尚有不
行之者至於祥練之節安能不墜者乎禮云父母之喪無貴
賤一也而大夫士之喪父母乃貴賤異服然則禮壞樂崩
由來漸矣所以晏平仲之斬麤縗其老謂之非禮滕文公
之服三年其臣咸所不欲蓋由王道既衰諸侯異政將踰
越於法度惡禮制之害已乃滅去篇籍自制其宜遂至骨
肉之恩輕重從俗無易之道降殺任情夫禮不從天降不
從地出乃人心而已者謂情緣於恩也故恩厚者其禮隆
情輕者其禮殺聖人以是稱情立文別親踈貴賤之節自
臣子道消上下失序莫大之恩逐情而薄莫重之化與時

也王公卿士每日闕庭刺史以下歲時朝集何嘗不罄竭
心府誠教殷勤義乃君臣情兼父子無藉百寮之智方國
歡心欲令率土之人求得安樂不謂遘疾彌留至於大漸
此乃人生常分何足言及但四海百姓衣食不豐教化政
刑猶未盡洽與言念此唯以留恨朕今踰六十不復稱天
但筋力精神一時勞竭如此之事本非為身止欲安養百
姓所以致此人生子孫誰不念愛既為天下事須割情勇
等如懷悖惡既無臣子之心所以黜廢古人有云知
廉若君知子莫若父今勇於得志共理家國亦當戮辱
公卿酷毒流於人庶全惡子孫已為百姓黜辱好子
孫足堪負荷大業此雖朕家事理不容隱前對文武侍衛
具已論述皇太子廣地君上嗣仁孝著聞以其行業堪成
朕志但念內外群官同心勦力以此共安天下朕雖瞑目
何所復恨國家大事不可限以常禮既葬公除行之自昔
公宜遵用不勞改定凶禮所須絲令周事務從節儉不得
勞人諸州摠管刺史等宜各率其職不須奔赴自古哲王
因人作法前帝後帝沿革隨時律令格式有不便於事者
宜依前修改務當政要嗚呼敬之哉無墜朕命乙卯發喪
河間楊柳四株無故黃落既而花葉復生八月丁卯梓宮
至自仁壽宮景子殯於大興前殿十月乙卯葬於太陵同

墳而異穴士庶赴葬者皆聽入視陵內帝性嚴重有威容
外質朴而內明敏有大畧初得政之始羣情不附諸子幼
弱內有六王之謀外致三方之亂擢強兵君重鎮者皆周
之舊臣上推以赤心各盡其用不踰期月尅定三邊未交
十年平一四海薄賦歛輕刑罰內修制度外撫戎夷每日
聽朝日及忘倦居處服翫務存節儉令行禁止上下化之
開皇仁壽之間丈夫不衣綾綺而無金玉之飾常服率多
布帛裝帶不過以銅鐵骨角而已雖畜於財至於賞賜有
功亦無所愛惜每乘輿四出路逢上表者駐馬親自臨問
或濟遣行人來聽風俗吏政得失人間疾苦無不留意嘗

遇關中饑遣左右視百姓所食有得豆屑雜糠而奉之者
上流涕以示羣臣深自咎責為之損膳而不御酒肉者殆
將一期及東拜太山關中戶口就食洛陽者道路相屬帝
敕戶候不得輒有驅逼男女參廁於仗衛之間遇逢扶老
携幼者輒引馬避之慰勉而去至艱嶮之處見負擔者遽
令左右扶助之其有將士戰歿必加優賞仍令使者就家
勞問自強不息朝夕孜孜人庶殷繁帑藏充實雖未能致
臻於至道亦足稱近代之良王然雅性沈猜素無學術好
為小數言神燭聖杖堪能療病又信王劬解石文以為已
瑞焉不達大體如是故忠臣義士莫得盡心竭辭其草創

元勳及有功諸將誅夷獲罪罕有存者又不悅詩書揚素
由之希旨遂奏除學校唯婦言是用廢黜諸學逮于暮年
持法尤峻喜怒失常果於殺戮嘗令左右送西域朝貢使
出關其所經之處受牧宰小物饋鸚鵡鷹皮馬鞭之屬
聞而大怒又詣武庫見署中蕪穢不理於是執武庫令及
諸受遺者出開遠門外親自臨決死者數十人又往往潛
令賂遺令史府史受者必死無所寬貸議者以此少之
論曰隋文帝樹基立本積德累仁徒以外戚之尊受託孤
之任與能之議未為所許是以周室舊臣咸懷憤惋既而
不謙固三蜀之阻不踰期月尉遲迥舉全齊之衆一戰而
亡斯乃非止人謀抑亦天之所贊乘茲機運遂遷周鼎于
時蠻夷猾夏荆揚未一劬勞日久經營四方樓船南邁則
金陵失險驃騎北指則單于款塞職方所載竝入疆理禹
貢所圖咸受正朔雖晉武之克平吳會漢宣之推亡固存
比義論功不能尚也七德既敷九歌已洽尉候無警遐邇
肅清於是躬節儉平徭賦倉廩實法令行君子咸樂其生
小人各安其業強不陵弱衆不暴寡寡物殷阜朝野歡娛
自開皇二十半間天下無事區宇之內晏如也考之前王
足以參蹤盛烈而素無術業不能盡下無寬仁之度有刻
薄之資暨乎暮年此風愈扇又雅好瑞符暗於大道建彼

維城權倖京室皆同帝制靡所適從聽妬婦之言惑邪臣之說溺寵廢嫡託付失所滅父子之道開昆弟之隙縱其尋斧翦伐本根墳土未乾子孫繼踵為戮松檟纒列天下已非隋有惜哉迹其衰怠之源稽其亂亡之兆起自文皇成於煬帝所由來遠矣非一朝一夕其不祀忽諸未為不幸也。

隋本紀上第十一

北史十一

隋本紀下第十二

北史十二

煬皇帝諱廣一名英小字阿摩高祖第二子也母曰文獻獨孤皇后上美姿儀少敏慧高祖及后於諸子中特所鍾愛在周以高祖勲封鴈門郡公開皇元年立為晉王拜柱國并州總管時年十三尋授武衛大將軍進上柱國河北道行臺尚書令大將軍如故高祖令項城公歆安道公才李徹輔導之上好學善屬文沈深嚴重朝野屬望高祖密令善相者來和徧視諸子和曰晉王骨上雙骨隆起貴不可言既而高祖幸上所居第見樂器絃多斷絕又有塵埃若不用者以為不好聲妓之翫上尤自矯飾當時稱為仁

孝嘗觀獵遇雨左右進油衣上曰士卒皆濡濕我獨衣此
乎乃令持去六年轉淮南道行臺尚書令其年徵拜雍州
牧內史令八年冬大舉伐陳以上為行軍元帥及陳平執
陳湘州刺史施文慶散騎常侍沈客卿市令湯慧朗刑法
監徐杅尚書都令史暨慧以其邪佞有害於民斬之石闕
下以謝三吳於是封府庫資財無所取天下稱賢進位太
尉賜路車乘馬裘冕之服玄珪白璧各一雙復拜并州摠
管俄而江南高智慧等相聚作亂徙上為揚州摠管鎮江
都每歲一朝高祖之祠太山也領武侯大將軍明年歸藩
後數載突厥寇邊復為行軍元帥出靈武無虜而旋及太

子勇廢立上為皇太子是月當受冊高祖曰吾以大興公
成帝業今上出舍大興其夜烈風大雪地震山崩民舍多
壞墜死者百餘口仁壽初奉詔巡撫東南是後高祖每避
暑仁壽宮恒令上監國四年七月高祖崩上即皇帝位於
仁壽宮八月奉梓宮還京師并州摠管漢王諒舉兵反詔
尚書左僕射楊素討平之九月乙巳以備身將軍崔彭為
左領軍大將軍十一月乙未幸洛陽景申發丁男十數万
掘塹自龍門東接長平汝郡抵臨清關度河至浚儀襄城
達于上洛以置關防癸丑詔曰乾道變化陰陽所以消息
沿創不同生靈所以順之若使天意不變施化何以成四

時人事不易爲政何以利萬姓易不云乎通其變使民不
倦變則通通則久有德而可久有功則可大朕又聞之安
安而能遷民用不變是斯姬邑兩周如武王之意殷人五
徒成湯后之業若不因口民順天功業見乎變愛民治國者
可不謂歟然雒邑自古之都王畿之內天地之所合陰陽
之所和控以三河固以四塞水陸通貢賦等故漢祖曰吾
行天下多矣唯見雒陽自古皇王何嘗不留意所不都者
蓋有由焉或以九州未一或以困其府庫作雒之制所以
未暇也我有隋之始便欲創茲懷雒日復一日越既于今
念茲在茲興言感哽朕肅膺寶曆慕臨方邦遵而不失心

奉先志今者漢王諒悖逆毒被山東遂令州縣或淪非所
由關河懸遠兵不赴急加以并州移力復在河南周遷殷
民意在於此沉復南服遐遠東夏殷大因機順動今也其
時群司百辟僉諧厥議但成周墟堵弗堪胥宇今可以伊
雒營建東京便即設官分職以為民極也夫宮室之制本
以便生人上棟下宇足以避風露高臺廣廈豈曰適形故
傳云儉德之恭侈惡之大宣左有云與其不遜也寧儉豈
謂瑤臺瓊室方為宮殿者乎土堦采椽而非帝王者乎是
知非天下以奉一人乃一人以主天下也民惟國本本固
邦寧百姓足孰與不足今所營構務從節儉無令雕牆峻

宇復起於當今欲使卑官菲食將貽於後世有司明為條
格稱朕意焉十二月乙丑以右武衛將軍來護兒為右驍
衛大將軍戊辰以柱國李景為右武衛大將軍以右衛率
周羅喉為右武侯大將軍

大業元年春正月壬辰朔大赦改元立妃蕭氏為皇后改
豫州為溱州洛州為豫州廢諸州摠管府景申立晉王昭
為皇太子丁酉以上柱國宇文述為左衛大將軍上柱國
郭衍為左武衛大將軍廷壽公于仲文為右衛大將軍已
亥以豫章王暕為豫州牧戊申發八使巡省風俗下詔曰
昔者哲王之理天下也其在愛民乎既富而教家給人足

故能風教淳厚遠至邇安理定功成率由斯道朕恭嗣寶
位撫育黎獻夙夜戰兢若臨川谷雖則聿遵先緒弗敢失
墜永言政術多有缺然况以四海之遠兆民之衆未獲親
臨問其疾苦每慮幽仄莫舉冤屈不申一物失所用傷和
氣萬方有罪責在朕躬所以興寤增歎而夕惕載懷者也
今既布政惟始宜存寬大可分遣使人巡省方俗宣揚風
化薦拔淹滯申達幽枉孝悌力由給以優復鰥寡孤獨不
能自存者量加振濟義夫節婦旌表門閭高年之老加其
板授竝依別條賜以粟帛篤疾之徒給侍丁者雖有侍養
之名曾無賙贍之實明加檢校使得存養若有各行顯著

操履修潔及學業才能一藝可取咸宜訪採將身入朝所
在州縣以禮發遣其蠹政害人不便於時者使還之日具
錄奏聞已酉以吳州摠管宇文弼為刑部尚書二月己卯
以尚書左僕射楊素為尚書令三月丁未詔尚書令楊素
納言楊達將作大匠宇文愷營建東京徙豫州郭下居民
以實之戊申詔曰聽採輿頌謀及黎庶故能審政刑之得
失是知昧旦思治欲使幽枉必達彝倫有章而牧宰任稱
朝委者為僥幸以求考課虛立殿最不存理實綱紀於是
不理冤屈所以莫申閩河重阻無由自達朕故建立東京
躬親存問今將巡歷淮海觀省風俗眷求讜言徒繁詞翰

而鄉校之內闕亦無聞惟然夕惕用勞興寢其民下有知
州縣官人政理苛刻侵害百姓背公徇私不便於民者聽
詣朝堂封奏庶乎四聰以達天下無冤又於阜澗營顯仁
宮採海內奇禽異獸草木之類以實園苑徙天下富商大
賈數万家於東京辛亥發河南諸郡男女七百萬開通濟
渠自西苑引穀洛水達于河自板渚引河通于淮庚申遣
黃門侍郎王弘上儀同於士澄往江南採木造龍舟鳳舸
黃龍赤艦樓船等數萬艘夏四月癸亥大將軍劉仲方擊
林邑破之五月庚戌戶部尚書義豐侯韋沖卒甲子熒惑
入太微秋七月丁酉制戰亡之家給復十年景午滕王綸

衛王集竝奪爵徙邊閏七月甲子以尚書令楊素為太子
太師安德王雄為太子太傅河間王弘為太子太保景子
詔曰君民建國教學為先移風易俗必自茲始而言絕義
乖多歷年代進德修業其道浸微漢採坑焚之餘不絕如
線晉承板蕩之運掃地將盡自時厥後軍國多虞雖復當
宇時建示同愛禮函丈或陳殆為虛器遂使紆青拖紫非
以學優製錦操刀類多牆面上陵下替網維不立雅缺道
消是由於此朕纂承洪緒思弘大訓將欲尊師重道用闡
厥繇講信脩睦敦獎名教方今區宇平壹文軌攸同十步
之內必有芳草四海之中豈無孝秀諸在家及見入學者
若有篤志好古耽典悅禮學行優敏堪膺時務所在採訪
具以名聞即當隨其器能擢以不次若研精經術未願進
仕可依其藝業深淺門蔭高卑雖未升朝竝量準給祿庶
夫恂恂誘善不日成器濟濟盈朝何遠之有其國子等學
亦宜申明舊制教習生徒具為課試之法以盡砥礪之道
八月壬寅上御龍舟幸江都以左武衛大將軍郭衍為前
軍右武衛大將軍李景為後軍文武官五品已上給樓船
九品已上給黃篾舳舻相接二百餘里冬十月己丑赦江
淮已南揚州給復五年舊摠管內給復三年十一月己未
以大將軍崔仲方為禮部尚書

二年春正月辛酉東京成賜監督者有差以大理卿梁毗
為刑部尚書丁卯遣十使併省州縣二月景成詔尚書令
楊素吏部尚書牛弘大將軍宇文愷內史侍郎虞世基禮
部侍郎許善心制定輿服始備輦輅及五時副車上常服
皮弁十有二珙文官弁服珮玉五品已上給犢車通德三
公親王加油絡武官平巾幘袴褶三品已上給袍絮下至
胥吏服色各有差非庶人不得戎服戊戌置都尉官三月
庚午車駕發江都先是太府少卿何稠太府丞雲定與盛
修儀仗於是課州縣送羽毛百姓求捕之網羅被水陸禽
獸有堪筆珉之用者殆無遺類至是而成夏四月庚戌上

自伊闕陳法駕備千乘萬騎入於東京辛亥上御端門大
赦天下免今年租賦癸丑以冀州刺史楊文思為民部尚
書五月甲寅金紫光祿大夫兵部尚書李通坐事免乙卯
詔曰旌表先哲式在饗祀所以優禮賢能顯彰遺愛朕永
鑒前脩尚想名德何嘗不興歎九原屬懷千載其自古以
來賢人君子有能樹聲立德佐世匡時博利殊功有益於
人者並宜營立祠宇以時致祭墳壟之處不得侵踐有司
量為條式稱朕意焉六月壬子以尚書令太子太師楊素
為司徒進封豫章王陳為齊王秋七月癸丑以衛尉卿衛
玄為工部尚書庚申制百官不得計考增級必有德行功

能灼然顯著者擢之壬戌擢潘邱舊臣鮮于羅等二十七
人官爵有差甲戌皇太子昭薨乙亥上柱國司徒楚國公
揚素薨八月辛卯封皇孫俊為燕王侗為越王侑為代王
九月乙丑立秦王俊子浩為秦王冬十月戊子以靈州刺
史段文振為兵部尚書十二月庚寅詔曰前代帝王因時
創業君民建國禮尊南面而歷運推移年代永久丘壟殘
毀樵牧相趨塗兆堙蕪封樹莫辨興言淪滅有愴于懷自
古以來帝王陵墓可給隨近十戶蠲其雜役以供守視
三年春正月癸亥敕并州逆人已流配而逃亡者所獲之
處即宜斬決景子長星竟天出於東壁二旬而止是月武

陽郡上言河水清二月己丑彗星見於東井文昌歷太陵
五車北河入太微掃帝座前後百餘日而止三月辛亥車
駕還京師壬子以大將軍姚辨為左衛將軍癸丑遣羽騎
朱寬使於流求國乙卯河間王弘薨夏四月庚辰詔曰古
者帝王觀風俗皆所以憂勤兆庶安集遐荒自蕃夷內附
未遑親撫山東經亂復加存恤今欲安輯河北巡省趙魏
所司依式甲申頒律令大赦天下關內給復三年壬辰改
州為郡改度量衡竝依古式改上柱國以下官為大夫甲
午詔曰天下之重非獨理所安帝王之功豈一士之畧自
古明君哲后立政經邦何嘗不選賢與能振拔淹滯周稱

多士漢號得人尚想前風載懷欽佇朕負袞夙興晁旒待
日可領巖谷寘以周行冀與群才共康庶績而彙茅寂漠
投竿罕至豈美璞韜采未值良工將介石在懷確乎難拔
求鑿則哲憮然興歎凡厥在位譬諸股肱若濟巨川義同
舟楫豈得保茲寵祿晦尔所知優游卒歲甚非謂也祁大
夫之舉善良史以為至公臧文仲之蔽賢左父譏其竊位
求諸往古非無褒貶宜思進善用臣寡薄夫孝悌有聞人
倫之本德行敦厚立身之基或節義可稱或操履清潔所
以激貪厲俗有益風化強毅正直執憲不撓學業優敏文
才美秀竝為廊廟之用寔乃瑚璉之資才堪將略則拔之

以禦侮力有驍壯則任之以爪牙爰及一藝可取亦宜採
錄若衆善畢舉與時無棄以此求理庶幾非遠文武有職
事者五品已上宜依令十科舉人有一於此不必求備朕
當待以不次隨才并用其見任九品已上官者不在舉送
之限景申車駕北巡狩丁酉以刑部尚書宇文弼為禮部
尚書戊戌敕百司不得踐暴禾稼其有須開為路者有司
計地所收即以近倉酬賜務從優厚己亥至赤岸澤以太
牢祭故太師李穆五月丁巳突厥啓民可汗遣子拓特勒
來朝戊午發河北十餘郡丁男自太行山達于并州以通
馳道景寅啓民可汗遣其兄子毗黎伽特勒來朝辛酉啓

民可汗使請自入塞奉迎奠奠上不許癸酉有星孛于文
昌上將星常皆動搖六月辛巳獵於連谷丁亥詔曰聿追
孝饗德莫至焉崇建寢廟禮之大者然則質文異代損益
殊時學滅坑焚經典散逸憲章湮墜廟堂制度師說不同
所以世數多少莫能是正連室異宮亦無定准朕獲奉祖
宗欽承景業永惟嚴配冀隆大典於是詢謀在位博訪儒
術咸以為高祖文皇帝受天明命奄有區夏拯群飛於四
海革彫弊於百五恤獄緩刑生靈皆遂其性輕徭薄賦比
屋各安其業芟夷宇宙濕壹車書東漸西被無思不服南
征北怨俱荷來蘇駕轟垂風歷代所弗至辯駁左社聲教

所罕及莫不斫角闢塞頓頽庭譯靡絕時書無虛月
文偃伯天下晏如嘉瑞休徵表裏禔福猗欤偉欤無得而
名者也朕又聞之德厚者流光理辨者禮縉是以周之文
武漢之高光其典章特立謚號斯重豈非緣情稱述即崇
顯之義乎高祖文皇帝宜別建廟宇以彰巍巍之德仍遵
月祭用表蒸蒸之懷有司以時創造務合典制文名位既
殊禮亦異等天子七朝事著前經諸侯二昭義有差降故
知以多為貴王者之禮今可依用貽厥後昆戊子次榆林
郡丁酉啓民可汗來朝己亥吐谷渾高昌並遣使貢方物
甲辰上御北樓觀漁于河以宴百寮秋七月辛亥啓民可

汗上表請變服襲冠帶詔啟民替拜不名在諸侯王上甲寅上於郡城東御大帳其下備儀衛建旌旗宴啟民及其部落三千五百人奏百戲之樂賜啟民及其部落各有差丙子殺光祿大夫賀若弼禮部尚書宇文弼太常卿高穎尚書左僕射蘇威坐事免發丁男百餘方築長城西距榆林東至紫河二旬而罷死者十五六八月壬午車駕發榆林乙酉啟民飾廬清道以候乘輿帝幸其帳啟民奉觴上壽宴賜極厚上謂高麗使者曰歸語小王當早來朝見不然者吾與啟民巡彼土矣皇后亦幸義城公主帳己丑啟民可汗歸蕃癸巳入樓煩關壬寅次太原詔營晉陽宮九月己未次濟源幸御史大夫張衡宅宴享極歡己巳至于東都壬申以齊王暕為河南尹開府儀同三司癸酉以戶部尚書楊文思為納言

四年春正月乙巳詔發河北諸郡男女百餘萬開永濟渠引沁水南達于河北通涿郡廣成百寮大射於允武殿丁卯賜城內居民米各十石壬申以太府卿元壽為內史令鴻臚卿楊玄感為禮部尚書癸酉以工部尚書衛玄為右武侯大將軍大理卿長孫熾為戶部尚書二月己卯遣司朝謁者崔毅使突厥處羅致汗血馬三月辛酉以將作大匠宇文愷為工部尚書壬戌百濟倭赤土迦羅舍國並遣

使貢方物乙丑車駕幸五原因出塞巡長城景寅遣屯田
主事常駿使赤土致羅罽夏四月景午以離石之汾源臨
泉鴈門之秀容為樓煩郡起汾陽宮癸丑以河內太守張
定和為左屯衛大將軍乙卯詔曰突厥意利珍豆啓民可
汗率領部落保附關塞遵奉朝禮思改戎俗頻入謁覲屢
有陳請以氈牆毳幕土窮荒陋上棟下宇願同比屋誠心
懇切朕之所重宜於万壽戌置城造屋其帷帳牀褥以上
隨事量給務從優厚稱朕意焉五月壬申蜀郡獲三足鳥
張掖獲玄狐各一秋七月辛巳發丁男二十餘万築長城
自榆林谷而東乙未左翊衛大將軍宇文述破吐谷渾於

曼頭赤水八月辛酉親祠恒岳河北道郡守畢集大赦天
下車駕所經郡縣免一年租調九月辛未徵天下鷹師悉
集東京至者万餘人戊寅彗星出五車掃文昌至房而滅
辛巳詔免長城役者一年租賦冬十月景午詔曰先師左
父聖德在躬誕發天縱之姿憲章文武之道命世膺期蘊
茲素王而頽山之歎忽踰於千祀盛德之美不在於百代
永惟懿範宜有優崇可立孔子後為紹聖侯有司求其苗
裔錄以申上辛亥詔曰昔周王下車首封唐虞之胤漢帝
承曆亦命殷周之後皆所以褒立先代憲章在昔朕嗣膺
景業傍求雅訓有一弘益欽若令典以為周兼夏殷文質

大備漢有天下車書混一魏晉沁襲風流未遠竝宜立後
以存繼絕之義有司可求其胄緒列文乙卯頒新式於天
下

五年春正月景子改東京為東都癸未詔天下均田戊子
上自東都還京師已開制民間鐵又搭鉤積刃之類皆禁
絕之太守每歲密上屬官景迹二月戊戌次于闕鄉詔祭
古帝王陵及開皇功臣墓庚子制漢魏周官不得為蔭辛
丑赤上國遣使貢方物戊申車駕至京師景辰宴耆舊四
百人於武德殿頒賜各有差已未上御崇德殿之西院愀
然不悅顧謂左右曰此先帝所居寔用僧感情所未安於

此院之西別營一殿壬戌制父母聽隨子之官三月己巳
車駕西巡河右庚午壬子言武功男子史永遵與從父昆
弟同居上嘉之賜物一百段米二百石表其門閭乙亥幸
扶風舊宅夏四日己亥大獵於隴西壬寅高麗吐谷渾伊
吾竝遣使來朝乙未伏道崇項堯來貢方物癸亥出臨
津關度黃河至西平陳兵講武五月乙亥上大獵於延山
長圍周亘二千里庚辰入長寧谷壬午度星嶺甲寅至
三城金山之北景戌梁浩豐御馬度而橋壞斬朝散大夫
黃白不習祿者九人吐谷渾王率衆保覆表川西分命
文元壽南地金山兵部尚書段文振北屯雪山大僕卿楊

義軍東也... 張壽也... 吐谷渾
主伏允以數十騎遁出遣其... 詐稱伏允使車我真山
壬辰詔右屯衛大將軍張定和往朔方定和挺身挑戰為
賊所殺亞將柳武建擊破之斬首數百級甲士其仙頭
窮蹙率男女十餘口來降六月丁酉遣左光祿大夫梁
默右翊衛將軍李瓊等追吐谷渾主比遇賊死之癸卯經
大斗拔谷山路隘險魚真而出風霰晦暝與後宮相失士
卒凍死者大半景午... 詔諸郡學業該通才藝
優洽膂力驍壯超絕等論在官勤舊堪理政事立性正直
不避強禦四科舉人壬子高昌王麴伯雅來朝伊吾吐也
設等獻西域數千里之地土人悅癸丑置西海河源郡善
且末等四郡景辰上御觀風行殿盛陳文物奏九部樂以
魚龍曼延宴高昌王吐也設於殿上以寵異之其蠻夷陪
列者三十餘國戊午大赦天下開皇已來流配悉放還鄉
晉陽逆黨不在此例隴右諸郡給復三年秋七月丁卯置
馬牧於青海渚中以求龍種無効而止九月癸未車駕入
長安冬十月癸亥詔曰優德尚齒載之典訓尊事乞言義
彰滕序... 師無取筋力方叔元老克壯其猷朕永言
稽古用求至理... 有眉黃髮更令收叙務簡秩優無虧
樂餌庶等... 弘益今歲耆老赴集者可於近郡

晉年七十已上疾心沈滯不堪居職即給賜帛送還本郡
其官至七品以上者量給粟以終厥身十一月景子車駕
幸東都

六年春正月癸亥朔旦有盜數十人皆素冠練衣焚香持
華白稱彌勒佛入自建國門監門者皆稽首既而奪衛士
仗將為亂齊王暕遇而斬之於是都下大索與相連坐者
千餘家丁丑角觝大戲於端門街天下奇伎異藝畢集終
月而罷帝數微服往觀之己丑倭國遣使貢方物二月乙
巳武賁郎將陳稜朝請入大張鎮州擊流求破之獻俘萬
七千口頒賜百官乙卯詔曰夫帝圖草創王業艱難感

股肱叶同心德用能救厥頽運克膺大寶然後疇庸茂賞
開國承家誓以山河傳之不朽近代凋喪四海未壹茅土
妄假名實相乖歷茲永久莫能懲革皇運之初百度伊始
猶循舊貫未暇改作今天下文泰文軌攸同宜率遵先典
永垂大訓自今已後唯有功勳乃得賜封仍令子孫承襲
曷宸改封安德王雄為觀王河間王子慶為郇王庚申徵
魏齊周陳樂人悉配太常二月癸亥幸江都宮甲子以鴻
臚卿史祥為左驍衛大將軍夏四月丁未宴江淮已南父
老頒賜各有差六月辛卯室韋赤土竝遣使貢方物壬辰
鴈門賊帥尉文通聚眾三千保於莫離谷遣鷹揚楊伯泉

擊破之甲寅制江都太守秩同京尹冬十月壬申刑部尚書梁毗卒壬子戶部尚書銀青光祿大夫長孫熾卒十二月己未左光祿大夫吏部尚書牛弘卒辛酉朱崖人王方昌舉兵作亂遣隴西太守韓洪討平之

七年春正月壬寅左武衛大將軍光祿大夫真定侯郭衍卒二月己未上并釣臺臨揚子津大宴百寮頒賜各有差庚申百濟遣使朝貢乙亥上自江都御龍舟入通濟渠遂幸于涿郡壬午詔曰武有七德先之以安民政有六本興之以教義高麗虧失藩禮將欲問罪遼左恢宣勝略雖懷代國仍事有方今往涿郡慰撫民俗其河北諸郡及山西

山東年九十已上版授太守八十者授縣令三月丁亥右光祿大夫左屯衛大將軍姚辯卒夏四月庚午幸涿郡之臨朔宮五月戊子以武威太守樊子蓋為民部尚書秋大水山東河南漂沒三十餘郡民相賣為奴婢冬十月乙卯底柱山崩偃木逆流數十里戊午以東平太守吐万緒為左屯衛大將軍十二月己酉突厥颉羅多利可汗來朝帝大悅接以殊禮于時遼東戰士及餽運者填咽於道晝夜不絕苦役者始為羣盜甲子敕都尉鷹揚與郡縣相知追捕隨獲斬決之

八年春正月辛巳大軍集于涿郡以兵部尚書段文振為

左候衛大將軍壬午下詔曰天地大德降繁霜於秋令聖
哲至仁著兵甲於刑典故知造化之有肅殺義在無私帝
王之用干戈蓋非獲已版泉丹浦莫匪龔行取亂覆昏咸
由順動況乎甘野誓師夏開承大禹之業商郊問罪周發
成文王之志求監載籍屬當朕躬粵我有隋誕膺靈命兼
三才而建極一六合而為家提封所漸細柳蟠桃之外聲
教爰暨紫宮黃枝之域遠至邇安罔弗和會功成理定於
是乎在而高麗小醜迷昏不恭崇聚勃碣之間存食遼獺
之境雖復漢魏誅夷集靈臺擾亂離多阻種落還集莽川
戮於前代播寔繁以迄今晷彼華壤翦為夷類歷年永久

惡統既盈天道禍淫亡徵已兆亂常敗德非可勝圖控處
懷姦唯日不足移告之嚴未嘗面受朝覲之禮甚昔躬親
誘納七叛不知紀極充斥堤垂亟勞烽候闕梯以之不許
三人為之竅業在昔薄伐已漏天網既緩前凶之戮未即
後服之誅曾不懷恩翻其長寇乃兼契丹之黨凌劉海成
習鞬韞之服侵軼逾西又青丘之表咸脩職貢碧海之濱
同稟正朔遂復寇攘琛賫竭絕往來虜及弗草誠而竭
輶軒奉使爰暨海東旌節所次途經瀋境而擁塞道路拒
絕王人無事君之心豈為臣之禮此而可忍孰不可容且
法令苛酷賦斂煩重疆臣豪族咸執國均朋黨比周以之

成俗賄貨如市冤枉莫申重以仍歲災凶比屋飢饉兵戈
不息僅役無期力竭轉輸身填溝壑百姓愁苦爰誰適從
境內衣糧不勝其弊回面內向各懷性命之圖黃髮稚齒
咸興酷毒之歎省俗觀風爰屆幽朔弔人問罪無俟再駕
親愬六師用申九伐拯取沾危協從天意殄茲逋穢克嗣
先謨今宜授律啓行分麾屆路掩勃瀕而雷震及夫餘以
電掃比戈挾甲俟誓而後行先令五申必勝而後戰左第
一軍可饒方道第二軍可長岑道第三軍可海真道第四
軍可蓋馬道第五軍可建安道第六軍可南蘇道第七軍
可遠東道第八軍可女苑道第九軍可扶餘道第十軍可

朝鮮道第十一軍可沃沮道第十二軍可樂浪道右第一
軍可黏蟬道第二軍可含資道第三軍可渾彌道第四軍
可臨屯道第五軍可候城道第六軍可提奚道第七軍可
踏頓道第八軍可肅慎道第九軍可竭石道第十軍可東
肫道第十一軍可帶方道第十二軍可襄平道凡此衆軍
先奉廟略駱驛引途愬集平壤莫非如豺如貔之勇百戰
百勝之雄顧眄則山岳傾頽叱咤則風雲騰鬱腹心攸同
爪牙斯在朕躬馭元戎爲其節度涉遼而東循海之右解
倒懸於遐裔問疾苦於遺黎其外輕齎游騎隨機赴響卷
甲衝救出其不意又滄海道軍舟艦千里高颿電逝巨艦

雲飛橫斷沮江逕造平壤島嶼之望斯絕坎井之路已窮
其餘被髮左衽之人控弦待發微虜彭濮之旅不謀同辭
杖順臨逆人百其勇以此衆戰勢等摧枯然則王者之師
義存止殺聖人之教必也勝殘天罰有罪本在元惡人之
多辟脅從罔理若高元淫首轅門自歸司寇即解縛焚襪
弘之以恩其餘臣人願歸朝奉化成加慰撫各安生業隨
才任用無隔夷夏營壘所次務在整肅芻蕘有禁秋毫無
犯以布恩宥以喻禍福若其同惡相濟抗拒官軍國有常
刑俾無遺類明加曉示稱朕意焉惣一百一十三萬三千
八百零二萬其餽運者倍之癸未第一軍發終四十日

引師乃畫旌旗亘千里近口出師之盛未之有也乙未以
右族衛大將軍衛玄爲刑部尚書甲辰內史令元壽卒二
月甲寅詔曰朕觀風蒸裔問罪遼瀕文武叶力瓜牙忠奮
莫不執銳勤王捨家從役罕蓄倉粟之資兼指播殖之務
朕所以少惕愀然慮其匱乏雖復素飽之衆情在忘私悅
使之徒宜從其厚諸行從一品以下飲飛募人以上家口
郡縣宜敷存問若有糧食之少皆賑給之或雖有田疇貧
弱不能自耕種可於多丁富室勸課相助使夫居者有斂
積之豐行役無顧後之慮壬戌司空京兆尹光祿大夫觀
王雄薨三月辛卯兵部尚書左族衛大將軍段文振卒癸

已上御師甲子臨戎于遼水橋成成大軍爲賊所拒不果
齊右屯衛大將軍左光祿大夫麥鐵杖武賁郎將錢士雄
孟金又等皆死之甲午車駕度遼大戰于東岸擊賊破之
進圍遼東乙未大頓見二大鳥高文餘觸身朱足游濟自
若上異之命工圖寫并立銘頌五月戊午納言楊達卒于
時諸將各奉旨不敢越機既而高麗各固城守攻之不下
六月己未幸遼東責怒諸將立城西數里御六合城七月
壬午宇文述等敗績于薩水右屯衛將軍薛世雄死之九
軍並陷師奔還亡者千餘騎癸卯班師九月庚辰上至東
都己丑詔軍國異容文武殊用匡危拯難則霸德攸興化

人成俗則王道斯貴時當撥亂屠販可以登朝世屬隆平
經術然後升仕豐都爰肇儒服無預於周行建武之朝功
臣不參於吏職自三方未一四海交爭不違文教唯尚武
功設官分職罕以才授班朝理人乃由勲叙莫非按足行
陣出自勇夫學數之道旣所不習政事之方故亦無取是
非暗於在已威福專於下吏貪冒貨賄不知紀極蠹政害
民寔由於此自今已後諸授勲官者並不得回授文武職
事庶遵彼更張取類於調瑟求諸名製不傷於美錦若吏
部輒擬用者御史即宜糾彈冬十月戊寅工部尚書宇文
愷卒十一月己卯以宗女華容公主嫁于高昌王辛巳光

北史本紀十一
二十
祿大夫韓壽卒甲申敗將宇文述于仲文等除名為民斬
尚書右丞劉士龍以謝天下是歲大旱疫人多死山東尤
甚密詔江淮南諸郡閱視民間童女姿質端麗者每歲貢
之

九年春正月丁丑徵天下兵募民為驍果集于涿郡壬午
賊帥杜彥永王潤等陷平原郡大掠而去辛卯置折衝果
毅武勇雄武等郎將官以領驍果乙未平原李德逸聚眾
數方稱阿舅賊劫掠山東靈武白榆妄稱奴賊劫掠牧馬
北連突厥隴右多被其患遣將軍范貴討之連年不能克
戊戌大赦己亥遣代王侑刑部尚書衛玄鎮京師辛丑以

右驍衛將軍李渾為右驍衛大將軍二月己未濟北人韓
進洛聚眾數方為羣盜壬午復宇文述等官爵又徵兵討
高麗三月景子濟北人孟海公起兵為盜眾至數方丁丑
發丁男十方城太興戊寅辛遼東以越王侗工部尚書樊
子蓋鎮東都庚子北海人鄆方預聚徒為賊自號盧公眾
至三萬攻陷郡城大掠而去夏四月庚午車駕度遼壬申
遣宇文述揚義臣趣平壤城五月丁丑熒惑入南斗己卯
濟北人甄寶車聚眾方餘寇掠城邑六月乙巳禮部尚書
楊玄感反於黎陽丙辰玄感逼東都河南贊理裴弘策拒
之反為賊所敗戊辰兵部侍郎斛斯政奔于高麗庚午上

班師高麗犯後軍救右武衛大將軍李景爲後拒遣左翊
衛大將軍宇文述左候衛將軍屈突通等馳傳發兵以討
玄感秋七月己卯今所在發人城縣府驛癸未餘杭人劉
元進舉兵反殺至數万八月壬寅左翊衛大將軍宇文述
等破揚玄感於闕鄉斬之餘黨悉平癸卯吳人朱燮晉陵
人管崇擁衆十万余自稱將軍寇江左甲辰制驍果之家
蠲免賦役丁未詔郡縣城去道過五里以上者徙就之戊
申制盜賊籍沒其家乙卯賊帥陳瑱等三万攻陷信安郡
辛酉司農卿光祿大夫葛國公趙元淑以罪伏誅九月己
卯濟陰人吳海流東海人彭孝才竝舉兵爲盜衆數万庚

辰賊帥梁慧尚聚衆四万陷蒼梧郡甲午車駕次上谷以
供費不給上大怒免太守虞荷等官丁酉東陽人李三兒
向但子舉兵作亂衆至万餘閏月己巳幸博陵庚午上謂
侍臣曰朕昔從先朝周旋於此年甫八歲日月不居倏經
三紀追惟曩昔不可復希言未卒流涕嗚咽侍衛者皆泣
下沾襟冬十月丁丑賊帥呂明星率衆數千圍東郡武賁
郎將費青奴擊斬之乙酉詔曰博陵昔爲定州地居衝要
先王歷試所基王化斯遠故以道冠幽風義高姚邑朕巡
撫浪燕爰屆茲邦瞻望郊墟緬懷敬止思所以宣播慶澤
覃被下人崇紀顯號式光令緒可改博陵爲高陽郡赦境

內死罪以下給復一年於是高祖時故吏皆量才授職
壬辰以納言蘇威爲開府儀同三司朱爽管崇推劉元進
爲天子遣將軍吐万緒與俱羅討之連年不能尅齊人孟
讓王薄等衆十餘萬據長白山攻剽諸郡清河賊張金稱
衆各數萬勃海賊帥格謙自號燕王孫宣雅自號齊王衆
各十萬山東苦之丁亥以右候衛將軍郭榮爲右候衛大
將軍十一月己酉右候衛將軍馮孝慈討張金稱於清河
反爲所敗孝慈死之十二月甲辰車裂楊玄感弟朝散大
夫積善及黨與十餘人仍焚而揚之丁亥扶風人向海明
舉兵作亂稱皇帝建元白鳥遣太僕卿楊義臣擊破之

十年春正月甲寅以宗女爲信義公主嫁於突厥曷娑那
可汗二月辛未詔百寮議伐高麗數日無敢言者戊子詔
曰竭力王役致身戎事咸由徇義莫匪勤誠委命草芥暴
骸原野興言念之每懷愍惻往年問罪將屆遼濱廟筭勝
略具有進止而諒愴凶言識成敗高麗悞恨本無智謀臨
三軍猶兒戲視人命如草芥不遵成規坐貽撓退遂令死
亡者衆不及埋藏今宜遣使人分道收葬設祭於遼西郡
立道塲一所恩加泉壤庶弭窮魂之冤澤及枯骨用弘仁
者之惠辛卯詔曰黃帝五十二戰成湯二十七征方乃德
施諸侯令行天下盧芳小盜漢祖尚且親戎隗囂餘燼光

武猶自登隴豈不欲除暴止戈勞而後逸者哉朕纂承寶業君臨天下日月所照風雨所霑孰非我臣獨隔聲教最介高麗僻居荒裔鴟張狼噬侮慢不恭抄竊我邊垂侵逼我城鎮是以去歲出軍問罪遼碣殪長蛇於玄菟戮封豕於襄平扶餘叛軍風馳電逝追奔逐北徑踰浪水滄海舟艤衝城腹心焚其城郭汙其宮室高元伏鎖泣首送款軍門尋請入朝歸罪司寇朕以許其改過乃詔班師而長惡靡俊宴安鳩毒此而可忍孰不可容便可分命六師百道俱進朕當親執武節臨御諸軍秣馬九都觀兵遼水順天誅於海外拯窮民於倒懸征伐以正之明德以誅之止除元惡餘無所問若有識存亡之分悟安危之機翻然北首自求多福必其同臣稍濟抗拒王師若火燎原刑茲無赦有司便宜宣布咸使知聞丁酉扶風人唐弼舉兵反衆十萬推李弘為天子自稱唐王三月壬子行幸涿郡癸亥次臨渝宮親御戎服禡祭黃帝斬叛軍者以釁鼓夏四月辛未彭城賊張大彪聚衆數萬保縣薄山為盜遣榆林太守董純擊破斬之甲午車駕次北平五月庚子詔舉郡孝悌廉潔各十人壬寅賊帥宋世謨陷琅邪庚申延安人劉迦論舉兵反自稱皇王建元大世六月辛未賊帥鄭文雅林寶護等衆二萬陷建安郡太守楊昱祥死之秋七月癸丑

車駕次懷遠鎮乙卯曹國遣使貢方物甲子高麗遣使請
降囚送斛斯政上大悅八月己巳班師右衛大將軍左光
祿大夫鄭榮卒冬十月丁卯上至東都已丑還京師十一
月景申支解斛斯政於金光門外乙巳有事於南郊己酉
賊帥司馬長安破長平郡乙卯離石胡劉苗王舉兵反自
稱天子以其第六兒為永安王衆至數萬將軍潘長文討
之不能剋是月賊帥王德仁擁衆數萬保林慮山為盜十
二月壬申上如東都其日大赦天下戊子入東都庚寅賊
帥孟讓衆十餘萬據都梁宮遣江都丞王世充擊破之盡
虜其衆

十一年春正月甲午朔宴百寮突厥新羅靺鞨畢大辭訶
咄傳越烏那曷波臘吐火羅俱慮建忽論靺鞨訶多沛汗
龜茲疏勒于闐安國曹國何國務國畢衣密失範延伽折
契丹等國竝遣使朝貢戊戌武彥郎將高建毗破賊帥顏
宣政於齊郡虜男女數千口乙卯大會蠻夷設魚龍曼延
之樂頒賜各有差二月戊辰賊帥楊仲緒等率衆方餘攻
北平滑公李景破斬之庚午詔曰設險守國著自前經重
門禦暴事彰往策所以宅土寧邦禁邪固本而近代戰爭
君人散逸田疇無伍郭郭不修遂使遊惰寔繁寇攘未息
今天下平一海內晏如宜令人悉城居田隨近給使強弱

相容力役兼濟穿窬無所厝其姦宄薩蒲不得聚其逋逃
有司具為事條務令得所景子王須拔反自稱漫天王國
號燕賊帥魏刁兒自稱歷山飛衆各十餘万北連突厥南
寇趙三月丁酉殺右驍衛大將軍光祿大夫郝公李軍將
作監光祿大夫李敏竝族滅其家癸卯賊帥司馬長安破
西河已酉幸太原避暑汾陽宮秋七月己亥淮南人張起
緒舉兵為盜衆至三万辛丑光祿大夫右禦衛大將軍張
壽卒八月乙卯巡北塞戊辰突厥始畢可汗率騎數十万
謀襲乘輿義成公主遣使告變壬申車駕馳幸鴈門癸酉
突厥圍城官軍頗戰不利上大懼欲率精騎潰圍而出民

部尚書樊子蓋固諫乃止齊王暕以後軍保于崞縣甲申
詔天下諸郡募兵於是守令各來赴難六月甲辰突厥解
圍而去丁未曲赦太原鴈門死罪已下冬十月壬戌上至
于東都丁卯彭城人魏驥麟聚衆万餘為盜寇魯郡壬申
賊帥盧明月聚衆十餘万寇陳汝間東海賊李子通擁衆
度淮自號楚王建元明政寇江都十一月乙卯賊帥王須
拔破高陽郡十二月戊寅有大流星如斛墜明月營破其
衝車庚辰詔民部尚書樊子蓋發關中兵討絳郡賊敬盤
陀柴保昌等經年不能尅譙郡人朱粲擁衆数十万寇荆
襄僭稱楚帝建元昌達漢南諸郡多為所陷焉

十二年春正月甲午鴈門人翟松栢起兵於靈石衆至數
萬轉攻傍縣二月己未真臘遣使貢方物甲子夜有六大
鳥似鵬飛入大業殿止于御幄至明而去癸亥東海賊盧
公暹率衆萬餘保于蒼山夏四月丁巳顯陽門灾癸亥魏
刁兒所部將甄翟兒號歷山飛衆十萬轉寇太原將軍潘
長文討之反為所敗長文死之五月景戌朔日有蝕之既
癸巳大流星殞於吳郡為石壬午上於景華宮徵求螢火
得數斛夜出遊山而放之光遍巖谷秋七月壬戌民部尚
書光祿大夫濟北公樊子蓋卒甲子幸江都宮以越王侗
光祿大夫段達太府卿元文都檢校民部尚書韋津右武

衛將軍皇甫無逸右司郎盧楚等惣留守事奉信郎崔民
象以盜賊充斥於建國門表諫不宜巡幸上大怒先解其
頤乃斬之戊辰馮翊人孫華自號惣管舉兵為盜高涼通
守洗瑤徹率兵作亂嶺南溪洞多應之己巳熒惑守羽林
月餘乃退車駕次汜水奉信郎王愛仁以盜賊日盛諫上
請還西京上怒斬之而行八月己巳賊帥趙万海衆數十
萬自恒山寇高陽壬子有大流星如斗出工良閣道毀如
壞牆癸丑大流星如甕出羽林九月丁酉東海人杜伏威
揚州沈覓敵等作亂衆至數万右禦衛將軍陳稜擊破之
戊午有二枉矢出北斗魁委曲蛇形汪於南斗壬戌安定

人荔非世雄殺臨涇令舉兵作亂自號將軍冬十月己丑
開府儀同三司左翊衛大將軍光祿大夫許公宇文述薨
十二月癸未鄱陽賊操天成舉兵反自號元興王建元始
興攻陷豫章郡乙酉以右翊衛大將軍來護為開府儀同
三司行左翊衛大將軍壬辰鄱陽人林仕弘自稱皇帝國
號建元太平攻陷九江廬陵郡唐公破甄翟兒於西河
虜男女千口

十三年春正月壬子齊郡賊柱伏威率衆度淮攻陷歷陽
郡景辰勃海賊竇建德設壇於河間之樂壽自稱長樂王
建元丁丑辛巳賊帥徐圓朗率衆數千破東平郡弘化人

到公成聚衆萬餘人為盜傍郡苦之二月壬午朔方人梁
師都殺郡丞唐世宗據郡反自稱大丞相遣銀青光祿大
夫張世隆擊之反為所敗戊子賊率王子英破上谷郡己
丑馬邑校尉劉武周殺太守王仁恭舉兵作亂北連突厥
自稱定楊可汗庚寅賊帥李密翟讓等陷興洛倉越三侗
遣武貴郎將劉長恭光祿少卿房胤擊之反為所敗死者
十五六庚子李密自號魏公稱元年開倉以賑群盜衆至
數十萬河東諸郡相繼皆陷焉壬寅劉武周破武貴郎將
王智辯於桑乾鎮智辯死之三月戊午廬江人張子盛舉
兵反遣右禦衛將軍陳稜討平之丁丑賊帥李通德衆十

萬寇廬江左屯衛將軍張鎮州擊破之夏四月癸未金城
校尉薛嬰率眾反自稱西秦霸王建元秦興攻陷隴右諸
郡已丑賊帥孟讓夜入東都外郭燒豐都市而去癸巳李
密陷迴洛東倉丁酉賊帥房憲伯陷汝陰郡是月光祿大
夫武賁郎將裴仁基淮陽太守趙佗等並以眾叛歸李密
五月辛卯夜有流星如彗彗於江都甲子唐公起義師於
太原景寅突厥數千寇太原唐公擊破之秋七月壬子熒
惑守積屍景辰武威人李軌舉兵反攻陷河曲諸郡自稱
涼王建元安樂八月辛巳唐公破武牙郎將宋老生於霍
邑斬之九月己丑帝括江都人文宣婦以配從兵是月武

陽郡丞元寶藏以郡叛歸李密吳賊帥李文相攻陷黎陽
倉彗星見於營室冬十月丁亥太原陽世洛聚眾萬餘人
寇掠城邑景申羅令蕭銑以縣反鄆陽人董景珍以郡反
迎銑於羅縣號為梁王攻陷侯郡戊戌武賁郎將高毗敗
濟北郡賊甄寶車於嶮山十一月景辰唐公入京師辛酉
遙尊帝為太上皇立代王侑為帝改元義寧上起宮冊楊
將遜于江左有烏鵲來巢帷帳驅不能止熒惑犯太微有
石自江浮入于揚子日光四散如流血上甚惡之二年三
月右屯衛將軍宇文化及武賁郎將司馬德戡元禮監門
直閣裴虔通將作少監宇文智及武勇郎將趙行樞鷹揚

郎將孟景內中舍人元敏符璽郎李慶年方裕千牛左右
李孝本弟孝質直長許弘仁薛世良城門郎唐奉義醫正
張愷等以驍果作亂入犯宮闈上崩于溫室時年五十蕭
后令宮人撤牀簀爲棺以埋之化及發後右禦衛將軍陳
稜奉梓宮於成象殿葬吳公臺下發歛之始容貌若生衆
咸異之大唐平江南之後改葬雷塘初上自以蕃王次不
當立每矯情飾行以釣虛名陰有奪宗之計時高祖雅重
文獻皇后而性忌妾媵皇太子勇內多嬖幸以此失愛帝
後廷有子皆不育之示無私寵取媚於后大臣用事者傾
心與交中使至第無貴賤皆曲承顏色申以厚禮婢僕往

來者無不稱其仁孝又常私入宮掖密謀於文獻后楊素
等因機構扇遂成廢立自高祖大漸暨諒闇之中蒸淫無
度山陵始就即事巡遊以天下承平日久士馬全盛慨然
慕秦皇漢武之事乃盛理宮室窮極侈靡召募行人分使
絕域諸蕃至者厚加禮賜有不恭命以兵擊之盛興屯田
於玉門柳城之外課天下富室分道市武馬疋直十餘萬
富強坐是而凍餒者十家而九性多詭譎所幸之處不欲
人知每幸之所輒數道置頓四海珍羞殊味水陸必備焉
求市者無遠不至郡縣官人競爲獻食豐厚者進擢踈儉
者獲罪姦吏侵漁內外虛竭頭會箕斂人不聊生于時軍

國多務日不暇給帝方驕怠惡聞政事冤屈不理奏請罕
決又猜忌臣下無所專任朝臣有不合意者必構其罪而
族滅之高頴賀若弼先皇心膂參謀惟惺張衡李金才藩
邸惟舊績著經綸惡其直道忌其正議求其無形之罪加
以丹頸之戮其餘事君盡禮譽譽匪躬無辜無罪橫受夷
戮者不可勝紀政刑弛紊賄貨公行莫敢有言道路以目
六軍不息百役繁興行者不歸居者失業人饑相食邑落
爲墟上弗之恤也東西行幸靡有定居每以供費不給逆
收數年之賦所至唯與後宮流連耽湎惟日不足招迎媵
媼朝夕共肆醜言又引少年令與宮人穢亂不軌不遜以

爲娛樂區宇之內盜賊蜂起劫掠從官屠陷城邑近臣牙
相掩蔽皆隱賊數不以實對或有言賊多者輒大被詰責
各求苟免上下相蒙每出師徒敗亡相繼戰士盡力不加
賞賜百姓無辜感受屠戮燕庶積怨天下土崩至於就禽
而猶未之寤也

恭皇帝諱侑元德太子之子也母曰韋妃性聰敏有氣度
大業三年立爲陳王後數載徙爲代王及煬帝親征遼東
令於京師摠留事十一年從幸晉陽拜太原太守尋鎮京
師義兵入長安煬帝爲太上皇奉帝纂業義寧元年十
一月壬戌上即皇帝位於大興殿詔曰王道喪亂天步不

康屬之於朕逢此百羅強祿之歲夙遭憫凶孺子之辰太
上播越興言感動實疚于懷太尉唐公膺期作宰糾合義
兵翼戴皇上聖慈奉明詔弼予幼冲顯命光臨天威咫尺對
揚尊號悼心失圖一人在遠三讓不遂備使南面胥身無
所苟利社稷莫敢或違俯從群議奉遵聖旨可大赦天下
改大業十三年為義寧元年十一月十六日昧爽以前大
辟罪已下皆赦除之常赦所不免者不在赦限甲子以光
祿大夫大將軍太尉唐公為假黃鉞使持節大都督內外
諸軍事尚書令大丞相進封唐王景寅詔曰朕惟孺子未
出深宮太上遠巡追蹤穆滿時逢多難委當尊極辭不獲

免恭已臨朝若涉大川罔知所濟民之情偽曾未之聞賴
股肱勳力上宰賢良匡佐冲人輔其不逮軍國機務事無
大小文武設官位無貴賤憲章賞罰咸歸相府庶績其凝
責成斯屬已巳以唐王子隴西公建成為唐國世子敦煌
公為京兆尹改封秦公元吉為齊公太原置鎮北府乙亥
張掖康老和舉兵反十二月癸未薛舉自稱天子寇扶風
秦公為元帥擊破之丁亥桂陽人曹武徹舉兵反建元通
聖丁酉義師禽驍衛大將軍屈突通於閩鄉乙巳賊帥張
善安陷廬江郡

二年春正月丁未詔唐王劔履上殿入朝不趨贊拜不名

加前後羽葆鼓吹壬戌將軍王世充為李密所敗河內通
守孟善誼武賁郎將王辨楊威劉長恭梁德重智通皆死
之庚戌河陽郡尉獨孤武都降於李密三日景辰右屯衛
將軍宇文化及弒太上皇於江都宮右禦衛將軍獨孤盛
死之齊王暕趙王杲燕王浚右翊衛大將軍宇文協內史
侍郎虞世基御史大夫裴蘊給事郎許善心皆遇害化及
立秦王浩為帝自稱大丞相朝士文武皆以其官爵光祿
大夫宿公參承折衝郎將朝請大夫沈同謀討賊夜襲化
及營反為所害戊辰詔唐王備九錫之禮加璽紱遠游冠
綠綬綬位在諸侯王上唐國置丞相已下一依舊式五月

乙巳朔詔唐王冕十有二旒建天子旌旗出警入蹕金根
車駕備五時副車置旄頭雲罕樂舞八佾設鍾虡宮縣王
后王子王女爵命之號一遵舊典戊午詔曰天禍隋國大
行太上皇遇盜江都憫予小子哀號永感仰惟荼毒仇復
靡申相國唐王膺期命世扶危拯溺自北徂南東征西怨
愬九合於一匡決百勝於千里糾率夷夏大庇氓黎保乂
朕躬繫王是賴德侔造化功格蒼昊兆庶歸心曆數斯在
屈為人臣載違天命當今九服崩離三靈改卜大運去矣
請避賢路私僮命駕須歸藩國予本代王及予而代天之
所廢豈期如是庶憑稽古之聖以誅四凶幸值惟新之恩

預充三恪寧究恥於皇祖守禮祀爲孝孫朝聞夕殞及泉
無恨今遵故事遜於舊邸庶官羣辟改事唐朝宜依前典
趣上尊號若釋重負感泰兼懷假手真人俾除醜逆仍敕
有司凡有表奏皆不得以聞是日上遜位於大唐以爲鄜
國公武德二年夏五月崩時年十五

史臣曰煬帝爰在弱齡早有志尚南平吳會北却匈奴昆
弟之中獨著聲績於是矯情飾兒肆厥姦回故得獻后鍾
心文皇革慮天方肇亂遂升儲兩踐峻極之榮基承丕顯
之休命地廣三代威振八紘單于頓顙越常重譯赤仄之
泉流溢于都內紅腐之粟充積於塞下負其富強之資思

逞無厭之欲狹殷周之制度尚秦漢之規摹恃才矜己傲
恨明德內懷險躁外示凝簡盛冠服以塞其姦除諫官以
掩其過淫荒無度法令滋彰教絕四維刑參五虐誅鋤骨
肉屠剗忠良受賞者莫見其功爲戮者莫聞其罪驕怒之
兵屢動土木之功不息頻出朔方三駕遼左旌旗万里徵
稅百端猾吏侵漁人弗堪命乃急令暴賦以擾之嚴刑峻
法以臨之甲兵威武以董之自是海內騷然無聊生矣俄
而玄感肇黎陽之亂匈奴有鴈門之圍天子方棄中土遠
之楊越姦宄乘輿強弱相陵關梁閉而不通皇輿往而莫
返加之以師旅因之以飢饉流離道路轉死溝壑十七八

焉於是相聚窟窟蒲蝟毛而起大則跨州連郡稱帝稱王小則千百爲郡攻城剽邑流血成川澤死人如亂麻炊者不及析骸食者不遑易子茫茫九土竝爲麋鹿之場慘慘黎俱充蛇豕之餌四方万里簡書相續猶謂鼠竊狗盜不足爲虞上下相蒙莫肯念亂振蟬蛸之羽窮長夜之樂土崩魚爛貫盈惡稔普天之下莫匪仇讎左右之人皆爲敵國終然不悟同彼望夷遂以万乘之尊死於匹夫之手億兆感思之士九牧無勤王之師子弟同就誅夷體骨棄而具掩社稷顛隕本枝殄絕自肇有書契以迄于茲宇宙崩離生靈塗炭喪身滅國未有若斯之甚也書曰天作孽

猶違自作孽不可追傳曰吉凶由人祿不妄作又曰兵猶火也不戢將自焚觀隋室之存亡斯言有徵矣恭帝年在幼冲遭家多難一人失德四海土崩群盜蜂起豺狼塞路南巢遂往流豨不歸既鍾百六之期躬踐數終之運謳歌有屬笙鍾變響雖欲不遵堯舜之迹庸可得乎

隋本紀下第十二

北史十二

1575.1



方洽周益

校正

史記卷一百一十五

